

## SELEPAS PROSEDUR

- Pesakit mungkin merasa kurang selesa pada bahagian tekak untuk sementara waktu dan mengalami ketidakselesaan dibahagian perut (kembung) sejeurus sahaja selepas prosedur dilakukan akibat daripada udara yang dimasukkan ke dalam perut semasa prosedur dijalankan.
- Pesakit direhatkan di tempat pemulihan pesakit setelah selesai prosedur dalam masa 30 minit—1 jam ( Jika pesakit mendapat sedasi)
- Pesakit boleh makan dan minum seperti biasa kecuali dengan arahan doktor selepas pemeriksaan dijalankan setelah rasa kebas di dalam tekak hilang.
- Jika anda mengalami kesakitan yang teruk dan berlanjutan pada bahagian perut /abdomen seperti sakit teruk atau muntah, muntah berdarah atau suhu badan meningkat anda perlu mendapatkan rawatan susulan daripada hospital yang berdekatan dengan segera.



## SEBELUM DISCAJ

- Sila dapatkan tarikh temujanji klinik surgery atau klinik gastro (perubatan) sebelum balik ke rumah untuk rawatan susulan. Keterangan lanjut mengenai keadaan dan rawatan anda akan diberitahu semasa anda menghadiri temujanji di klinik tersebut.
- Sila dapatkan ubat anda di Farmasi jika ada (Farmasi Satelit)





**JI-  
KA ANDA MEMPUNYAI SEBARANG PERTAN-  
YAAN ATAU SEBARANG KERAGUAN SILA HUB-  
UNGI PUSAT PERKHIDMATAN  
ENDOSKOPI ,TINGKAT 1,PUSAT PERUBATAN  
UKM**

**TEL;03-91455555 EXT: 7461/7462  
ISNIN-JUMAAT (2.00PTG-5.00PTG)**

# OGDS

**Oesophagus Gastro  
Duodenoscopy**

**PUSAT PERKHIDMATAN  
ENDOSKOPI  
PPUKM**



# APAKAH ITU OGDS?

## Oesophageal Gastro Duodenoscopy

Satu prosedur yang menggunakan videoscope yang dimasukkan ke bahagian saluran makanan (esophagus) seterusnya ke perut (stomach) sehingga ke bahagian pertama usus kecil (duodenum).

Ia dilakukan oleh Pakar Perubatan untuk melihat sebarang abnormaliti, keradangan, ulser, pendarahan serta ke-tumbuhan pada saluran atas sistem pencernaan.

## INDIKASI BAGI PESAKIT YANG MEMERLUKAN OGDS

Pesakit yang mengalami tanda-tanda dan gejala seperti:

- Kesakitan pada bahagian abdomen
- Rasa pedih pada bahagian ulu hati (Heart burn)
- Kesakitan selepas makan (Dyspepsia)
- Kesukaran untuk menelan makanan (Dysphagia)
- Hilang selera makan /Penurunan berat badan
- Loya /Muntah
- Muntah berdarah (Haematemesis)
- Najis berdarah (Malena Stool)

Pesakit yang berkaitan dengan penyakit saluran atas pencernaan.

## PERSEDIAAN PESAKIT SEBELUM OGDS

- Pesakit perlu berpuasa sekurang-kurangnya 5 - 6 jam sebelum prosedur dijalankan. (Bermula 12 tgh malam ).
- Jika pesakit memakai gigi palsu pesakit perlu menanggalkan gigi tersebut bagi mengelakkan tertelan semasa prosedur di jalankan.
- Pesakit dilarang memakai aksesori-aksesori perhiasan diri seperti jam tangan, barang kemas dan lain-lain. Simpan barangan peribadi seperti dompet, telefon pada waris atau tempat simpanan barang yang telah disediakan.
- Pesakit dibenarkan mengambil ubatan rutin harian seperti ubat darah fungsi/jantung **kecuali ubat kencing manis** sebelum prosedur dijalankan dengan mengambil kuantiti **air kosong** yang sedikit bagi mengelakkan sebarang komplikasi.



## Peringatan kepada pesakit:

- Adalah lebih baik jika pesakit memaklumkan kepada Pegawai Perubatan mengenai ubat-ubatan seperti ubat cair darah atau sebarang alahan dan alahan terhadap sebarang ubatan.

## Jika anda diberikan ubat sedatif

- Pesakit dinasihatkan supaya ditemani oleh sadara / waris /kawan pada hari temujanji, ini adalah disebabkan kesan sedasi yang akan membuatkan anda mengantuk.
- Tidak digalakkan memandu lebih kurang 12 jam selepas prosedur .
- Dilarang mengendalikan mesin berat atau meminum minuman beralkohol.

## PADA HARI TEMU JANJI

- Sila sediakan wang pembayaran iaitu untuk caj ogds adalah RM 250, separuh harga bagi warga emas >55 tahun dan caj ubatan (jika terdapat ubat yang diberi oleh doktor) atau bawa surat jaminan daripada majikan ataupun kad pesara pada hari tersebut.
- Sila hadir ke Pusat Endoskopi pada hari yang ditetapkan pada pukul 8.00 pagi untuk pendaftaran.
- Pesakit perlu menandatangani borang keizinan sebelum prosedur dan penerangan tentang prosedur diberikan oleh Pegawai Perubatan sebelum prosedur.
- Pegawai Perubatan akan memasukkan 'intra vena branula' kepada pesakit supaya ubat sedasi dapat diberikan. Tekak pesakit akan di sembur dengan ubat anestetik setempat "Xylocaine 10%" yang akan membuat tekak pesakit berasa kebas dan mengelakkan pesakit batuk semasa prosedur dijalankan.
- Pesakit perlu memberikan kerjasama serta tenang dan mematuhi arahan yang diberikan oleh Jururawat serta Pakar Perubatan semasa dan sepanjang prosedur dijalankan.



## Prosedur OGDS

